

# مکرمات و الخیر

❁ ادبی و سیاسی رساله اسبوعیه در ❁

۳۱ نجی سنه

۱۵ جمادی الاولی ۱۳۳۰

❁ پنجشنبه ❁

جلد : ۱۴ - جزو : ۱۴۴

نسبةٔ حیات اجتماعیہ دہا عمیق برصورتہ تداخل ایلکدہ در . اون طقوزنجی  
عصرده ۱۸۱۵ سنہ سندن بری ، ( ۱۸۳۰ و ۱۸۴۸ - ۴۹ لہستان و مجارستان  
سفرلری ، دانیارقہ حربی ، قریم حربی ، ۱۸۵۹ سنہ سی ایتالیا حربی کبی )  
زیادہ مقدارده موضعی حربلر وقوع بولمشدر ، ۱۸۶۶ و ۱۸۷۰ سنہ لرنده دخی  
ہرنہ قدر بیوک ایسہ لردہ ینہ موضعی حربلر واقع اولمشدر .

حقیقت حالده برشی استحصالہ موفق اولمقسزین معنای حربی تفلیط وتشویش  
ایتمکدن بشقہ بر فائده سی اولمیان نظریہ لری وعظ ایتمکدن ایسہ ممکن التحصیل  
اولہ بیلان نمایلات انسانیتکارانہ نک تقویہ وتیمہ سنہ ہمت ایلملیدر .

### ارجاع نظر و خلاصہ

مجادلہ بر قانون طبیعتدر .

حرب ، حکومتلر و یا حکومتدہ کی فرقہ لر ( حرب داخلی ) آرہ سندہ توسیع  
ایدلش بر مجادلہ در .

حرب مساوی ومصائبی تولید ایدر ، فقط اق « ناقابل اجتناب بر مساوی »  
دکل ، بالعکس موجودیتمزک غیر قابل انفکاک بر عنصر لازم و ضروریسیدر ،  
اق « نسل بشرک بحرکی » اولوب بر چوق احوالده مطلق الوجوب بر اصول  
تداوی ، بر عملیہ شفا بخشادن عبارتدر .

جہانده اولان ہرشی کبی حربک دخی بارلاق و مظلم جہتلری واردر ،  
مساوی و فضائلده تولید ایدر ، مصائب ومحاسنیده موجب اولور ، مضراتیده  
واردر ، فوائدیده ، فقط ہیچ بر وجہلہ صرف مساوی ومضراتدن عبارت دکلدر .  
حرب جسارتی ، معاونات متقابلہ یی ، الک عالی درجہده شرف و ناموس ،  
فداکارانی ، نفسہ غلبہ یی تولید وتأمین ایلر ، حیات حکومتدہ اهمیت عظیمہ یی  
حائز اولان اطاعت ، ضبط وربطاک والیدر ، منتدارینی ، شکر گذرانی ، شفقتی

تزیید ایدر ، کندی دهشتی ایچنده قلوب بشریه بی خالق کائناتی تفکره متحسرس  
قیلار .

حرب و آندن استحصال ایدیلان تجاریک ، اصول اداره حکومته دواملی  
بر شکل و صورت ویرمکی تعلیم ایلدیکی حیثیتله ، صلحه فائده سی و تأثیری واردر .  
یالکیز بویله اولان شکل حکومت داخلی و خارجی فورطنه لره قارشی احراز  
مقاومت ایدر ، کنجلمرزه حکومت و وطنی سهوه جک و بدنا ، فکر آ مملکتسه  
لایق اوله جق صورتده تربیه ایلکی اوکره دیر .

حرب قانون اخلاقه مغایر دکلدیر ، چونکه اق طبیعت بشریه اوزرینه  
مؤسسدیر ؛ فقط حربک سوء استمالی قانون اخلاقه مغایردر .

افکار جنکاورانه بالجله دشمنلره قارشی ملنک فکر آ ، بدنا بوی اولجه بیله -  
جککه وقوفدن ، اظهار فعالیت شوق و خواهشندن عبارتدر .

افکار عسکریه طوعاً تابعیت و انقیاددن ، اخوت عسکریه دن ، مشاق و مزاحم  
حربه برعزم قوی و متین ایله تحمل ایلکدن عبارتدر .

افکار جنکاورانه بی بونک بر نوع متغیر و غیر مقبولی اولان تعصب ایله  
قاریشدیر ماملیدر .

حربک الک نجیب و اصیل نمره سی قهرمانلقدیر .

حربک الک قدرتلی منظره سی سردارلقدیر . —

قهرمانلغی آرتق سومیان ، تقدیس ایتمیان ، سردارانی آرتق تفهم و تبجیل  
ایلیان بر حکومت افکار جنکاورانه بی مالک اوله میه چقندن محکوم انقراضدر .

معارف و مدنیتک حربسز اوله رق ، مثلاً آفریقا کبی اقسام جهانیه نشر  
و تعمیمی قابل دکلدیر .

حرب ملنلرک منافع حیاتیه سنده تحدت ایدن منازعه لری ، یکدیگره پک  
مخالف اولوب بر طرف ایدیله میان قاعده ( پرنسیب ) مسئله لرینی حل ایلر .

واقعا حرب جابجا تخریباتی مؤدی اولور ، فقط بر چوق شعبات صنایعک

مولدی در . اختراعاتی تشویق ایدر ، بر چوق علوم و فنونده تمیق تدقیقاتی مؤدی در . حرب ملتارک دائرة رؤیتی توسیع ایلر .

حرب ایله قهرمانلقدن صنعت ، علی الخصوص صنعت شعر - بر چوق فکر و موضوع اخذ ایلر و بر صلح ابدینک حکمفرما اولسی ممکن فرض ایدلسه و یا قهرمانلغه اولان محبت و تجیلات معدوم اولسه شایان دقت صورته بوشلقلر ، نقصانلر محسوس اولور .

خدمت عسکریه براینکجه ملت مکتبی در ، که محبان صلح ادعا ایلدیکی وجهله اصلاً داعی حماقت اولمایوب ، بالعکس افرادک احوال و مناسبات سارم ، انتظام ، تمامی اجراءات ، نظافت ایله الفت و اعتیاد کسب ایتمسینه خادم و ساعی اولور ، آنلری فکرآ ، جسمآ تقویه ایلر .

حرب ، وقوع بولدینی موقعه ، زمانه ، واسطهیه ، اسبابه نظراً اشکال مختلفه اخذ ایلر .

قابینه حربلری ، ملت حربلری تعبیرلری دائماً بسبتون مصیب دکلدردر . آنلردن برینه عاید اولان علامات بعضاً دیگرنده و یا عکسی ترتیده بولنه بیلیر .

( مابعدی وار )

محمد رشدی

